

সারাদেশ

মুক্তিযুদ্ধে আত্মদানকারী ভারতীয় মিত্রবাহিনীর স্মরণে আশুগঞ্জ মৈত্রীস্তম্ভের উদ্বোধন

প্রতিবেদক: ব্রাহ্মণবাড়িয়া প্রতিনিধি:

প্রকাশের তারিখ: বৃহস্পতিবার, ১৩ আগস্ট ২০২৬, ০৪:৩৭ PM



ছবি প্রতিনিধি

মুক্তিযুদ্ধে আত্মদানকারী ভারতীয় মিত্রবাহিনীর সদস্যদের স্মরণে ব্রাহ্মণবাড়িয়ার আশুগঞ্জে নির্মিত মৈত্রীস্তম্ভের উদ্বোধন করা হয়েছে। উদ্বোধনের পর স্মৃতিস্তম্ভটি জনসাধারণের জন্য উন্মুক্ত করে দেওয়া হয়।

বৃহস্পতিবার (১৩ আগস্ট) দুপুরে জেলা প্রশাসক মো. আবু সাঈদ মৈত্রীস্তম্ভটির উদ্বোধন করেন।

জানা গেছে, একাত্তরের মুক্তিযুদ্ধে ভারতীয় মিত্রবাহিনীর সদস্যদের আত্মত্যাগ স্মরণীয় করে রাখতে আশুগঞ্জ উপজেলার কামাউরা এলাকায় ঢাকা-সিলেট মহাসড়কের পাশে মৈত্রীস্তম্ভ নির্মাণের উদ্যোগ নেয় তৎকালীন আওয়ামী লীগ সরকার। স্মৃতিস্তম্ভটি নির্মাণে ব্যয় হয়েছে প্রায় ৭২ কোটি টাকা।

উদ্বোধনের পর জেলা প্রশাসক মো. আবু সাঈদ মৈত্রীস্তুস্তি ঘুরে দেখেন। পরে তিনি এটি জনসাধারণের জন্য উন্মুক্ত ঘোষণা করেন।

মৈত্রীস্তুস্ত পরিদর্শনে দর্শনার্থীদের জন্য টিকিটের মূল্য নির্ধারণ করা হয়েছে ২০ ও ৩০ টাকা।

উদ্বোধনী অনুষ্ঠানে জেলা প্রশাসকের সঙ্গে অতিরিক্ত জেলা প্রশাসক রঞ্জন চন্দ্র দে, আশুগঞ্জ উপজেলা সহকারী কমিশনার (ভূমি) কাজী রবিউস সারোয়ারসহ সংশ্লিষ্ট কর্মকর্তারা উপস্থিত ছিলেন।

উল্লেখ্য, ১৯৭১ সালের মুক্তিযুদ্ধে পাকিস্তানি বাহিনীর বিরুদ্ধে লড়াইয়ে মুক্তিবাহিনীর সঙ্গে ভারতীয় মিত্রবাহিনীর সদস্যরাও অংশ নেন। যুদ্ধে ব্রাহ্মণবাড়িয়াসহ বিভিন্ন এলাকায় ভারতীয় মিত্রবাহিনীর ১ হাজার ৬৬১ জন সদস্য নিহত হন।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটের অভিযোগ
নওগাঁর মান্দায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মান্দায় মসজিদের ভেতরে ছুকে মামুনের রাশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...

